



# ZIMBABWE SCHOOL EXAMINATIONS COUNCIL

## General Certificate of Education Advanced Level

### XICHANGANA LANGUAGE

PAPER 2 : Language, Registers and Summary

**6059/2**

**SPECIMEN PAPER**

**NKARHI:** 3 hours

Additional materials:

Answer paper

**NKARHI:** TIAWARA TINHARHU

### SWILERISO EKA VATSARI VA XIKAMBELO

U ta nyikiwa maphepha ya ku tsalela tinhlamulo ta wena.

Tsala vito ra wena, nomboro ya ndhawu leyi u tsalelaka kona na nomboro ya wena eka phepha rin'wana na rin'wana ra tinhlamuselo leri u ri tirhiseke.

Hlamula swivutiso hi **Xichangana** xo hlantsweka.

Hlamula swivutiso **swimbirhi** ku suka eka xiyenge A, B na **hinkwaswo** eka xiyenge C.

Langutisa swileriso eka xivutiso xin'wana na xin'wana.

Loko u tirhisa maphepha ma hundzaka rin'we, **ma bohe swin'we**.

### XITSUNDZUXO EKA VATSARI VA XIKAMBELO

Timakisi tinyikiwe eka swiangi leswi ( )emakumu ka xiphemu xa xivutiso, na leswi [ ] emahetelelwani ya xivutiso xin'wana na xin'wana.

---

**Xikambelo lexi xi tsaleriwile eka tipheji kombo, yin'we a yi tsaleriwanga.**

Copyright: Zimbabwe School Examinations Council, Specimen Paper.

**XIYENGE A : VUVALAVURI (TIMAKISI 40)**

- 1** Hlamula swivutiso **swimbirhi ntsena** eka xiyenge lexi.
- (a) Nyika tinxaka ta **mune** ta swivitana u tlhela u seketela hi swikombiso leswi yelanaka eka rin'wana na rin'wana. [8]
- (b) Hlamusela hi vuenti tindhawu ta masivikomba, xivumbeko u tlhela u nyika swikombiso leswi faneleke eka ndhawu yin'wana na yin'wana. [12]
- 2** Longoloxa hi ntalo ntlhatekano wa xivitana u karhi u seketela hi swikombiso leswi faneleke. [20]
- 3** Hlaya swivulwa leswi landzelaka u ta hlamula swivutiso leswi nga ehansi.
- (a) Ndzi dyile vuswa na guxe.
- (b) Nhwanyana u hlayile tibuku ta yena.
- (c) N'wana u vuyile a rilela xikhafu.
- (d) Fambani kaya.
- (e) Mudyondzisi u vuyile a dyondzisa leswi a nga hi lava.
- (f) Nhwanyana u sasekile ngopfu.
- (g) Vavanuna va nga dya vuswa.
- (h) Manana va bele n'wana mali.
- (i) Tsavula swivulwahava swa maendli eka swivulwa leswi nga henhla. [10]
- (ii) Komba swiaki swa swivulwahava leswi u tsavuleke. [10]
- 4** (a) Boxa tinxaka ta **mune** ta maencisi u ri karhi u seketela hi swikombiso leswi faneleke. [8]
- (b) Hlamusela hi vuenti ntirho wa maencisi. [12]

### XIYENGE B : RHEJISTARA (TIMAKISI 40)

Hlamula swivutiso **swimbihi ntsena** eka xiyenge lexi.

- 5** Vana va le ku rhiseni ka tihomu, va holova, un'wana a teka ribye a fula loyi a holoveke na yena a n'wi vavisa. Hlamusela hi vuenti magoza lama nga ta tekiwa hi vatsvari va n'wana loyi a nga vavisa un'wana, ku va va kota ku twanana no tshamisana kahle ni lava nga vaviseriwa n'wana. [20]
- 6** Emutini wa ka n'wina makwavo wa wena u lava ku tekiwa hi ndlela yo kombela. Hlamusela hi vuenti maendlelo ni matirhiselo ya ririm i eka leswi landzelaka:
- (a) Manghenelo ya vakon'wana emutini [5]
  - (b) ku vula ka vakon'wana leswi va nga fambela swona [5]
  - (c) Ku pfumela ka mutekiwa [5]
  - (d) Ku xewetana exikarhi ka vakon'wana ni vatsvari va nsati [5]
- 7** N'wana u le xikolweni, u rhumiwe hi mudyondzisi ku ya fikesa mahungu yo karhi eka murhangeri wa xikolo ehofisini ya yena. Hlamusela hi vuenti maendlelo ni matirhiselo ya ririm i lama languteriwaka eka n'wana loyi ku komba ku xixima lavakulu.
- (a) Loko a vitaniwa hi mudyondzisi leswaku a ta n'wi rhuma. [5]
  - (b) Loko a fika eka murhangeli wa xikolo. [5]
  - (c) Nkarhi a sarisaka murhangeli wa xikolo loyi. [5]
  - (d) Boxa nkoka wa maendlelo lawa eka mahanyelo ya vana masiku hinkwawo. [5]
- 8** U na makwavo wa wena a nga ya londza xikoloti xa yena ivi a fika a biwa a vaviseka ngopfu hi mukoloti. Hlamusela hi ntalo magoza lawa a nga maendlaka ni matirhiselo ya ririm i ku yisa mhaka ya yena ekhoto, ku ya hi ku landzelela leswi.
- (a) Ku vika mhaka ya yena maphoriseni. [5]

- (b) Ku ya tshunguriwa exibedlhele. [5]
- (c) Ku tekiwa xitatimente ka loyi a nga n'wi vavisa. [5]
- (d) Ku sengiwa ka mhaka leyi ekhoto. [5]

**9** Hlaya ndzima leyi landzelaka.

Hinkwaswo swi hundza, handle ka mhaka yin'we  
ntsena, maxangu ni mbitsi ya mina swa ku vangeriwa hi  
ndyangu wa mina. Swona a swi ala ku ndzi sukela. Nkarhi  
wolowo ni swakudya a swi ala ku nghena. Nkarhi wun'wana  
ni loko ndzi vulavula ni munhu a ndzi nga koti ku n'wi twa  
hambi ndzi lo n'wi honokela mahlo. Futhi loko se swi tile  
kahle hambi byi ri vurhongo a byi ala ku ndzi tshunelela. Ko  
tala a ri kala ri ku ncencence, ndzi nga byi natswangi. A ku  
ri vutomi bya kona byebyo!

5

Nkarhi wun'wana a swi pfa swi ndzi byela ku teka ntambhu  
ndzi ya tihinga xikan'we ndzi hambana na swona, kambe ndzi  
tlhela ndzi kanakana. Eka wun'wana nkarhi a swi ndzi komba  
ku nwa mhondzo, yi ri ndlela yo koma ya ku hambana na  
swona. Kambe tindlela leti hinkwato a ti ndzi kanakanisa  
hikwalaho ko ka ndzi nga tivi leswaku swi vula yini ku tihinga  
kumbe ku nwa mhondzo. Ndzi anakanya swinene hi mhaka  
leyi, kambe ndzi kanakana swinene hi ku ka ndzi nga tivi lexi  
antswaka eka ku fa ni ku hanya. Embilwini ya mina ndzi  
tibyela leswaku aredzi, kumbe maxanga ya mina ya antswa ku  
ri ni maxangu ya ku vava ka ku fa, hambi i rifu ra ntambhu  
kumbe ra mhondzo!

10

Enkarhi wolowo ndzi tibohile ni ku vutisela eka lava a va  
tiva emakaya ya vona loko ntirho wa ku herisa timhaka ta  
nkosi wa manana wu nga si endliwa. Kambe loko mahungu ya  
vuya ya kombisa leswaku a swi se swi ri ni malembe manharhu  
ntirho wolowo wu endliwile khale, ndzi twile swi ndzi  
dyanyana loko ntirho wa manana wu endliwile ndzi nga ri  
kusuh. Ndzi nyanyile ku twa ku vava loko ndzi anakanya  
leswaku ntirho lowu wu endliwile ndzi nga tivisiwangi. Ndzi  
tibyela leswaku eka lowu wa nkosi wa tatana a swi antswa  
hikuva a ndzi tivisiwile hi papila kambe mina hi ndzexe ndzi  
tihiawulela ku ka ndzi nga yi. Ndzi helele ndzi tikandzile  
mapfalo hi ku tibyela leswaku kumbexana papila leri ku

15

20

25

30

- tshama ndzi vona Mapatu a ri karhi a ri handzulela a ku ri rona  
ra ku huma ekaya, leri a ri ndzi hlamusela hi ta ku herisiwa ka  
nkosi wa manana. Ndzi tsundzuka swinene leswaku siku ra  
kona ndzi te loko ndzi n'wi vutisa loko a karhi a handzulela  
papila ra kona, nhlamulo leyi a nga ndzi nyika yona yi ndzi  
hetile chukele. "Swa mapapila ya wena famba u ya vutisela  
nsati wa wena Khomambilu ku nga ri mina. U ndzi twa kahle  
xana?" 35
- Ndzi ringetile ku tivutisia hi kambirhi kanharhu leswaku  
mhaka ya ku handzuleriwa ka papila ni vutisa Khomambilu  
swi fambelana hi ndlela yihi, kambe nhlamulo ndzi nga yi  
kumi. Hambiswiritano a ku ri hava lexi a ndzi ta endla xona,  
ya mina mhaka a ku ri ku thya ra Mafanato. Ku vava ka swona! 40
- Laha hi tsandzanaka na Mapatu a ndzi langutela ku pfuniwa  
hi Maxume. A ndzi langutela leswaku kumbexana yena u ta  
ringeta ku tshinya mana wakwe, a n'wi tsundzuxa leswaku  
nhloko ya muti i mani. Kambe loko ndzi xiyisisa ndzi kuma  
leswaku ongeti yena wo va muhlanganyeti, mucheri wa  
phetirolo endzilweni. Loko ndzi swi vonisa leswi, ndzi twa  
xiviri xa mina xi dyadyamela. Mapatu na yena loko a vona ni  
ku twa swivulavula swa n'wana wa yena, o nyanya ku mila  
tinsiva. Loko ndzi languta Maxume, ndzi swi vona leswaku se  
i wanuna, ha ringana. Ndzi swi vona ni ku swi twisia leswaku  
a nga ha ri xihlangi lexi ndzi nga xi xupulaka. Nakona hambi  
loko Maxume a ho va xifanyetana, leswi timhaka se a ti ri hi  
xiswona a ndzi nga ha ta endla nchumu. 50
- Mapatu se a a lotile vana vakwe hinkwavo, ku katsa ni  
n'wingi wa kona. Mina a ndzi nga ha ri nchumu la mutini. A  
swi tsandza hambi va ri vana va mina lavatsongo a ndzi nga ha  
va hlamuli, hambi ku ri ku va khoma xikatla a ndzi nga va  
khomi xikatla. 55
- Enkarhini lowu siku hi tshukaka hi tshama swin'we ehansi  
hi tsakilenyana na Mapatu a hi teka leti ni letiya. Loko siku  
rero o na xiyisisa o vona leswaku swi ye emikuweni, a a nga  
lolohi ku ndzi khongotela ni ku ndzi kucetela ku cinca  
vun'wini bya yindlu ya mina leswaku ku tsarisiwa mavito ya  
yena Mapatu kumbe n'wana wakwe Maxume. 60
- "Nkatanga, swa mina na wena swi herile. U tirhile ntirho  
wa wena nkata mhani. Lexi sweswi xi seleke, mina ndzi vona  
70

yi ri mhaka yin'we ntsena. “Cinca mavito ya wena u tsarisa ya Maxume la ka yindlu leyi. Mina na wena hi kurile, a ha ha ri na mhaka. Hambi hi nga ha ri na yindlu a swi na mhaka. Hina hi kurile nkata,” ku ri Mapatu loyi a a vulavula marito ya muxaka lowu.

75

“Nsati wa mina, mina a ndzi voni swi fanerile ku tikarhata hi mhaka leyi nga pfuniki nchumu. Xana yindlu ya mina a hi ya vona vana va mina na wena ke? Xana yindlu ya mina a hi ya yena Maxume xana?”

80

“Nuna wa mina, sweswo a hi swona. A swi fani. Loko yindlu yi ri hi mavito ya wena a hi xilo xin'we ni loko yi ri hi mavito ya mina kumbe Maxume. A swi fani sweswo nkata mina! Wa tiva …” ku nghenelela Mapatu a ringeta ku hlamusela ku hambana ka timhaka leti.

85

“Xana swi hambana hi ndlela yihi? Swi hambana hi ndlela yihi ku va yindlu leyi yi va hi mavito ya mina ndzi nga n'wini wa yindlu ni ku va yindlu leyi ya mina yi va hi mavito ya Maxume kasi hi ntiyiso a hi ya yena ke? Ndzi ri mina a ndzi voni nchumu ni xin'we lexi faneleke ku endla leswaku hi cinca yindlu leyi ya hina yi va hi mavito ya Maxume. A ndzi voni nchumu ni xin'we!” Ku ringeta mina ku kombisa nkoka wa mhaka ya ku tshika yindlu leyi yi tshama yi ri hi mavito ya mina.

90

“Nkhavelani nkatanga, loko u nga swi lavi a swi na mhaka, tshika! Ndzi swi vona kahle leswaku sweswo a wu swi lavi. Futhi hambi a ri mina a wu ndzi lavi. Nakambe vana va mina na vona a wu va lavi.

95

Leswi hinkwaswo ndza swi vona ni ku swi tiva.

100

Tlhandlakambirhi, ndzi swi tiva kahle leswaku loko Maxume a a ri n'wana wa wena, n'wana wa wena na nsati wa wena Khomambilu, a wu ta endla leswi u komberiwaka swona. A ndzi kanakani leswaku loko o va Khomambilu a ku kombelaka leswi le kaya ka wena, a swi kombelela vana va yena i nge u swi endlile khale. Kambe mina hikuva a wu ndzi rhandzi, ni vana va mina na vona a wu va rhandzi, a wu na mhaka na yona mhaka leyi. U yi teka yi ri ya matlangwana, yi nga ri nchumu. Kambe a swi na mhaka, ndzi ta swi vona kahle mina Mapatu!” Enkarhini lowu nsati loyi a vulavulaka hi ndlela leyi, a wu kota ku vona, handle ko kanakana, leswaku u vulavula hi mhaka leyi n'wi dyaka emoyeni.

105

110

Ndzima leyi yi tsavuriwe eka tsalwa ra **Nkavi Wa le Ndzaku** hi N.B. Mkhari,  
Maskew Miller Longman, 1996, Capetown.

Tsala nkomiso wa ndzima leyi nga ehenhla hi marito ya wena ya fikaka **dzana** u karhi  
u hlamusela tinhlupho ta mutsari ni ndyangu wa yena u tlhela u kombisa tindlela leti va  
nga hi lava ku tirhisa ku ringeta ku tintshuxa. [20]

**BLANK PAGE**